

阿母

播出時間：2020 / 6 / 3

星期三 中午 12：00

報報小達人：807 林珮筠

稿件編輯：陳思恩老師

各位老師，各位同學，大家午安，我是 807 林珮筠，我是今天的報報小達人，今天，我要為大家播報的內容，是：阿母

母知對當時開始，阿芬就一日到暗咧想講，到底阿母是生做啥款？雖然，對阿芬來講，無老母是一層足慣勢的代誌，母過厝邊頭尾的姨婆、孀婆逐遍若是來厝裡揣阿媽開講，攞會對阿芬講：「諱！有夠成恁母仔！恁老母實在是誠孀！」

愈按呢講，阿芬就愈想欲知影阿母的模樣。有一工，阿芬搜著一張查某人的相片，伊穿一領合軀的烏衫恰紅絳絳的長褲，闊踏一雙懸踏仔，母但體格孀，面框嘛孀，袂予人感覺妖孀。微微仔的笑容，有一種溫暖的氣質，母過，煞透濫淡薄仔憂愁。彼是一種親骨肉的感應，阿芬心內知影這就是伊一直咧搜揣的答案，伊就恬恬仔共相片囷入去伊的屨仔內。

自一年仔入學到今，阿媽都定定交代講：「你去學校是母通共同學講恁老爸老母離緣，這是見笑代，莫予人知。若無，人會看你無。」阿芬誠聽喏，攞毋敢講，嘛驚人笑，袂輸是家己做毋著代誌全款，個性變甲足閉思的，講話嘛敢若蠔仔咧，有夠細聲。六年仔

的時，阿芬真欣羨坐佇伊邊仔的查某同學，這位同學逐工頭髻攏捋甲誠整齊，講是恁老母捋的。阿芬心內想講：「誠好命，我攏家己縛頭髻。」猶閣有，這位同學恁老母逐工中晝攏揸飯包來，飯包內底攏有一粒煎甲嬌噹噹的卵包。啊若家己的飯包，是下早仔 阿媽攏好紮來學校炊過的，內底是昨昏暗頓食賸的灌腸，猶閣有炊甲澹去的肉酥恰黃去的薤菜。

逐年母親節若欲到，阿芬攏會對學校紮一蕊家己做的 紅色剪絨仔花轉來，老師講愛提轉來結跔阿母的身軀頂。

阿芬躊躇足久的，最後攏是共紅色剪絨花提予阿媽。就按呢，母親節過矣，五月節、中秋、二九暝，其實，不管時阿芬攏會 khok-khok相對門口的籬笆大門。伊已經等足濟年矣，伊咧等有一工，相片內底彼个穿插時行的查某人出現。伊嘛一直咧練習叫「阿母」這兩字。雖然一直叫袂好勢，毋遇到時陣，伊一定欲大聲喝出來，而且閣共紅色剪絨仔花結起去，予逐家知影：「這是阮阿母！」

以上是今天的 happy 播，期待下次再相見！